

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

habebat, mille cubitos, & traducebat Prophetam usque ad talos. Rursus metiebatur, mille cubitos, & traducebat Prophetam usque ad genua. Tertio metiebatur mille cubitos, & traducebat ipsum usq; ad renes. Tandem adhuc mille cubitos metiebatur, & ecce intumuerunt aquæ, ut non amplius pertransire potuerit, sed supernatare coactus fuerit, Ez. 47.v.1. seqq.

Idem Nicodemo accidit in hodierno Evangelio. Postquam enim ad Christum, angelum illum magni consilii venit noctu, & viam salutis ab ipso edoceri cupit, ostendit ipsi aquas mysteriorum suorum, quæ subter limen templi egrediuntur, id est, veræ Ecclesiæ propria sunt, & primò ad talos & genua ipsum traducit, dum regenerationis qualitatem & necessitatem ipsi proponit. Hujus modum & rationem ubi capere Nicodemus nondum potest, ad huc mille cubitos metitur, & de cœlestibus fari incipit, hic intumescit fluvius, ut fide supernatare cogatur, quod ratione perrantire non potest. Nam animalis homo non percipit ea quæ sunt Spiritus Dei, 1. Cor. 2.v.14. Si quidem per fidem ambulamus & non per speciem, 2. Cor. 5.v.7.

Sicut igitur Patriarcha Abraham Deum in montis vertice adoratus, servis, ut infernè cum asinis manerent, imperavit, & solus ipse cum filio gladium & ignem gestans montem concendit, Gen. 22.v.5. Itanos quoque altum mysteriorum divinorum olympum concessuri asinum rationis infra relinquere, & captivare debemus sub obsequium Christi, contenti gladio verbi & igne fidei, 2. Cor. 10.v.5.

Videbimus

1. Quaestionem Nicodemi memorabilem.

II. Informationem Christi amicabilem.

J.J.

EXEGESIS.

Hactenus festa celebravimus honoris singularum Trinitas personarum deputata. Vidimus misericordiam Patris Festo nativitatis. Vidimus potentiam Filii Festo resurrectionis. Vidimus beneficia Spiritus Sancti festo Pentecostes. Nunc personas omnes conjunctim inuenemur, & Deum in unitate trinum, & Trinitate unum veneramur. De quo sublimi mysterio priuiter dixerunt: Scrutari temeritas, credere pietas, nosse vita æterna est.

Quanquam autem in prælecta pericope de regeneratione hominis primario agitur, tamen ad declarandum SS. Trinitatis mysterium optimè congruit, idque tripliciter si species

1. *Materie eminentiam.* Nam de regeneratione agit, quæ sit per baptismum, in quo tota Trinitas operatur, Matt. 28. v.19.

2. *Testimoniorum evidentiam,* quæ de SS. Trinitate in hoc Evangelio continentur.

3. *Analogia convenientiam.* Voluit enim pia antiquitas illustri exemplo de regeneratione hominis difficultatem hujus articuli nobis ob oculos ponere, ne lascivo rationis judicio in tam arduo mysterio præcipites feramur, quod quamfacile fieri exemplo Nicodemi abunde patet.

Habemus hic

I. *Persona delineationem,* quæ describitur

1. *Ratione nominis.* Nicodemus enim vocatur, quod est viator populi, qualis revera fuit, Joh. 7.v.51.19.v.39. nomen illustrè, sed quod ad salutem ipsi nihil profuit.

Hoc

Hoc præstat nomen super omne nomen, extra quod salus non est, A&t. 4.v.12.

2. *Ratione muneric.* Nam fuit princeps Pharisæorum, & non solum Magistratum gessit in populo Judaico, ut Luc. 14. vers. 1. videre est, sed in magna etiam autoritate & existimatione fuit, unde reliquis primoribus in Senatu contradixisse legitur, Joh. 7.v.51.

Si videtis igitur dilecti, hos vel illos gloriosi de tot primoribus, qui religione suæ adhærent, nihil vos moveat, in negotio salutis veramini, quod non authoritate humana, sed dispositione divina nititur & perficitur.

In Ecclesiæ Corinthiaca non multi erant sapientes secundum carnem, non multi potentes, non multi nobiles, sed quæstula erant mundi Deus elegerat. Doctrina interim pura erat & sana, i. Cor. 1. vers. 26. Cum divites & potentes nollent venire, vocantur pauperes, & ecceci & claudi, Luc. 14.v.21.

Petrus Joppen ingrediens non à Principe Civitatis, sed à coriario suscipitur, A&t. 9.vers.43. hoc est quod Christus dicit: Pauperibus prædicatur Evangelium, Matth.11. vers.5.

3. *Ratione conaminis.* Noctu enim venit, quia interdiu formidabat, ut inquit Chryostomus, propter metum suorum collegarum, qui Christum cane pejus & angue oderant, vel ut solus cum Christo remotis arbitris colloqui, & secreta ejus allocutione mysteria fidei plenius discere posset.

Unde elucescit

1. *Discendi cupiditas.* Senex erat Nicodemus, magnæque vir authoritatis & eruditio[n]is, non tamen puduit ipsum viam sa-

lutis à Christo discere: multò minus nos pudeat scripturas scrutari, Joh. 5.v.39. lectioni attendere, i. Tim. 4.vers.13. narrationem divinam ante omnia libenter audire. Sir. 6. vers.35.

Multi sunt internos, qui conciones cathe[ti]cas floccipendunt, & pro juventute institutas arbitrantur. Sed perperam. Inveniunt, etiam senes ibi quod discant. Nam verbum Dei est instar maris, cuius abyssus imperscrutabilis, Sir. 24. vers. 39. cave igitur, ne sis inter pueros centum annorum, Esa. 65.v.20. quis semper discunt, & ad agnitionem tamen veritatis nunquam perveniunt, 2. Tim. 3.v.7.

2. *Coniuncta infirmitas.* Noctu enim venit ex metu Judæorum. Quo tamen exemplo nostris se Nicodemus & tenebriones tueri non possunt, non enim exemplis sed legibus judicandum. Habemus regulam Christi Matth. 10. v. 32. 33. Luc. 9. v. 26. quæ omnibus exemplis præjudicat. Hanc sequi debemus, nam corde creditur ad justitiam, sed ore fit confessio ad salutem, Rom. 10.v.9. 10. Nicodemus correxit infirmitatem suam, Joh. 7.v.50. 51. 19.v.39. Idem faciant hodierni vespertiliones, tunc laudabimus ip[s]os. Qui enim veritatem operatur, ad lucem venit, ut opera ejus manifesta siant, in Deo enim facta sunt, Joh. 3.v.21.

II. *Scopi significationem*, v. 2. ubi considerandas offerunt

1. *Exordium*, quod valde plausibile est. Agnoscit enim Christum pro Doctore illo: quem Deus olim mundo promiserat, Deut. 18.v.15. Joel. 2.v.23. Esa. 50.v.4.

Testes adducit

1. *Suam & suorum conscientiam.* Scimus quod à Deo veneris Magister. Obstinate certè malitia, quâ consilium Dei adversus

semetipos spernebant, *Luc. 7. v. 30.* & peccatum in Sp. S. committebant, *Matt. 12. v. 31.* Tales hodie multos invenias inter adversarios, qui contra propriam conscientiam in erroribus perseverant, ne errasse videantur. *Cavete vobis, dilecti, ne veritati resistatis, 2. Tim. 3. v. 8.* horribile enim tales manebit iudicium, *2. Thess. 2. v. 12.*

2. *Miraculorum evidentiam.* Nemo potest signa facere inquit, quæ tu facis, nisi fuerit Deus cum eo. Firmum igitur ex miraculis Christi argumentum ducitur, quod sit verus Messias, sicut ipse Phariseos hoc argumento convincit *Joh. 10. v. 38.* Deus enim solus est qui mirabilia facit, *Ps. 72. v. 18.* & licet Apostoli etiam miracula patrarent, vim tamen istam θαυματργείχη non à se ipsis habent, sed à Christo acceperunt, *Matth. 10. v. 8. Marc. 6. vers. 7. Luc. 10. vers. 19. Joh. 14. vers. 12.*

2. *Desiderium.* Quamvis enim status vel principalis quæstio non exprimitur, cuius gratiâ Nicodemus Christum accesserat, tamen quia responsio Christi in eum /eopum directa est, ut viam salutis ipsi monstraret, dubium non est, quin de hac ipsa quæstio Nicodemi instituta fuerit. Ita nos quoque de salute consequenda debemus esse solliciti, quærentes ante omnia regnum Dei & justitiam ejus, tunc cætera nobis adiicientur, *Mat. 6. v. 33.*

De Secundo.

Fuit quæstio, succedit *Informatio*, quâ duo Christus media ostendit, quarum ope Nicodemus & omnes vetè Christiani ad salutem pervenire queant.

1. *Est regeneratio*, cuius hic describitur

1. *Necessitas*, vers. 3. Omnes enim nasciuntur in peccatis, *Ps. 51. vers. 7.* & ab alienati-

sumus à Deo, quamdiu in peccatis hæremus, *Ef. 59. v. 2.* nova igitur regeneratione opus est, quæ fit per baptismum, cujus summa necessitas duplice hic juramento confirmatur. Non tamen ita intelligendum est, quasi Deus alio modo regenerationem in nobis operari non possit, sed ratione decreti & ordinis divini, cui nos alligatos voluit. Interim sibi legem non tulit, sed in casu necessitatis etiam absque baptismo infantes adoptare & adultos salvare potest, ut exemplum latronis, *Luc. 23. v. 43* & filioli Davidis testatur, *2. Sam. 12. v. 23.*

2. *Qualitas*, v. 5. Regeneratio igitur, quæ fit per baptismum, efficitur per aquam & spiritum, quæ sunt partes baptismi essentiales, illa terrestris, hæc cœlestis. Aqua non permutanda est cum alio liquore, Sp. non separandus est ab aqua, quia ipse tanquam instrumento in regeneratione hominis utitur, *Eph. 5. v. 26. Tit. 3. vers. 5.* Apage igitur distinctionem illam de baptismo externo & interno. Nam unum est baptisma, *Eph. 4. v. 5.* Apage etiam strepitum ceremoniarum, quas Pontificii in administratione baptismi adhibent. Sufficit aqua & spiritus, de sale, sputo, Chrismate, &c. in Scripturis altum est silentium. Frustra igitur servitur Deo præceptis hominum, *Matth. 15. v. 9.*

3. *Efficacitas.* Nam quod natum est ex spiritu, inquit Christus, Spiritus est, & introibit in regnum cœlorum. Ubi duplex baptismi fructus insinuatatur :

1. *Renovatio.* Nam Spiritus efficimus, id est, spirituales, sive novi homines, *Eph. 4. v. 24. Col. 3. vers. 10.* quæ novitas non est physica transformatio, sed hyperphysica alteratio, & consistit in illuminatione mentis, *Ephes. 5. vers. 8.* in mundicie cordis, *Psal.*